



Declaracion deth president dera Generalitat de Catalonha

Vielha, 11 de març de 2019

Era disposicion addicionau prumèra dera Lei d'Aran arreconeish eth dret d'autodeterminacion deth pòble aranés d'aguesta manèra: "Eth Parlament de Catalonha arreconeish eth dret deth pòble aranés a decidir eth sòn futur." Ei atau coma era libertat e era democracia se daurissen camin en sègle XXI. E ei per açò que Catalonha arreconeish as realitats nacionaus un dret que tanben volerie vèir arreconeishut entà era.

Compartir damb Aran un trajècte amassa ei vist per nosati coma ua riquesa a preservar e, sustot, a potenciar. Riquesa lingüistica, culturau, istorica, economica, naturau, ecologica e sociu, que cau qu'age tot eth sòn esplendor. E ei per açò que me platz de ratificar aué en aguesta amassada damb eth Magnific Senhor Sindic deth Conselh Generau d'Aran, Carlos Barrera, er acòrd de finançament qu'aurà ua validesa de cinc ans e que da ua estabilitat fòrça desirada ath Conselh Generau.

Com ei sabut, aué eth conselh de govèrn dera Generalitat celebrarà per prumèr còp ua amassada en Aran, que servirà entà aprovar un paquet de mesures destinades a refortilhar er autogovèrn aranés e a potenciar un territòri singular damb personalitat pròpria. N'èm fòrça satisfets e demoram qu'aguesti actes d'aué agen un resultat fòrça positiu entath conjunt des aranesi.

Nosati comprenem qu'eth benèster, eth progrès e era prosperitat des aranesi beneficiarà tostemp eth benèster, eth progrès e era prosperitat des catalans. Ei atau coma comprenem era manèra de restacar-se entre nacions. En tot establir pònts, en tot mielhorar es condicions de vida, en tot escambiar cultura e lengua, en tot respectar es realitats istoriques e, sustot, es desirs de present e de futur.

Aguesta reconeishença d'Aran, ath delà dera lei de 2015, s'a tradusit ena creacion d'ua Secretaria deth Departament de Presidència dera Generalitat entà dotar as relacions damb Aran d'ua eirina de rang superior. Ei era volentat deth Govèrn que presidisqui, desvelopar era lei que definís eth regim especiau d'Aran en totes es sues capacitats e possibilitats.

En mon actuau, era flexibilitat, era proximitat as persones e ath territòri e era adaptacion des volentats ciutadanes ara accion politica son e seràn decisives entà bastir societats reüides a on cap ciutadan non demore endarrèr e toti dispausen des madeishes oportunitats entà progressar e satisfèr es sòns projèctes de vida. Tot açò que volem tà Catalonha, ac volem tanben entà Aran, ua part pro singulara dera realitat occitana, que tanben mos agradarie veir a renèisher es pròplèus ans.

Es mielhors opcions d'Aran an a veir damb aquest desvelopament der autogovèrn, damb eth finançament just, e damb es naues oportunitats que se presenten enes pròplèus ans. Un



exemple de camin que cau explorar e qu'ei ua escandença deth Govèrn son es Jòcs Olímpics d'luèrn a traùers dera candidatura Pirenèus-Barcelona. Cau saber profiter toti amassa aquest projècte entà plaçar tot eth Pirenèu en lòc a on reaments pòt arribar.

Des deth temps dera Querimònia —costums e pruelètges establidi en 1313— enquia aué, Aran e Catalonha an viscut situacions plan canviants, moments de progrès e moments de dificultat. Se tracte de profiter es sinergies actuaus entà assolidar un moment de plenitud enes relacions bilateraus entre toti dus païsi, entre totes dues realitats nacionaus.

Se plan Catalonha viu actuauments un estat d'emergéncia democratica, pr'amor des persecucions, era repression e era regression de drets e libertats civius e collectives, qu'an portat ua part deth govèrn entà er exili e er aute tara preson, cau que sapiam refortilhar aquesta entesa catalana-aranesa entà refortilhar es nòsti païsi coma garants dera democracia e dera libertat en un moment cambiant e incèrt.

Aguest ei eth mèn compromís, era nòsta prepausa e un desir compartit pera grana majoria dera societat catalana e aranesa. E ei per açò que trabalharam sense repausar.

Quim Torra i Pla

President dera Generalitat de Catalonha